



**KOMMUNALBESTYRELSIP
IMMIKKUT ITTUMIK ATAATSIMIINNERA
TALLIMANGORNEQ ULLOQ 15. AUGUST 2025 NAL. 09:00**

Peqataasut:

1. Gabrielsen, Lars Erik (S) borgmester
2. Napātók', Jens (N) 1. viceborgmester
3. Møller, Heidi (D) 2. viceborgmester
4. Fleischer, Sakio (S)
5. Kristiansen, Knud (S)
6. Mathiassen, Paarnannguaq (S)
7. Nielsen, Edvard (S)
8. Olsen, Ujuut (S)
9. Petersen, Jakob (S)
10. Eskildsen, Arnaq N. (N)
11. Møller, Ole (N)
12. Kleemann, Knud (A)
13. Mørch, Samuel (A)
14. Bro, Niels Erik (D)
15. Davidsen, Lena Ravn (D)
16. Sandgreen, Karl Frederik (D)
17. Thomassen, Mikivsuk (IA)

Pisortaaneq:

Imaqarniliortoq:

Dorthe L. Mathiesen, aningaasaqarnermut pisortaq

Immikkut peqataasut:

Pisortaqatigiit

Nutserisut:

Ingerlannera:

Teamsikkut

KOM	QULEQUTAQ	BILAG
063	Avannaata Kommunia Jakob F. Knudsen Siku-blocki atorlugu misileraanissamut, suleqatingiinnissaanut siunnersuut	001
064	Mittarfissualiortut campimi sanaartortut inissiaanut pisinissamut siunnersuut	002
065	Najukkami Ataatsimiititaliat pilersinnissaanut aaliangernermit naqqiut	003
066	Sanaartornermut missingersuutininik ukioq 2025-mi aaqqissuusseqqinneq	004
067	Upernavik Kujallermiit immikkut ittumik qinnuteqaat	005
ORI	Ilisimatitsissut	

Aaliangiineq:

Oqaluuserisassat akuerineqarput.

Heidi Møller (D) peqataasinnaanngimmat sinniisussaa Inuutersuaq-Ulloriaq Løvstrøm (D)

peqataavoq. Sakio Fleischer (S) peqataasinnaanngimmat sinnissussaa Paulus Danielsen (S)

peqataavoq

Sag nr.	Sammisag	Bilag nr.	001
KOM 063	Avannaata Kommunia Jakob F. Knudsen Siku-blocki atorlugu misileraanissamut, suleqatingiinnissaanut siunnersuut	Journal nr.	

Uteqqiineq:

Nunatsinni sanaartornermi atorlut tamarmik avataaniik eqqussuunneqartarput, tamanna ukiorpassuarni politikikkikut oqallisaasarpoq allannortikkumaneqarpoq. Siunertaavoq nunatta pisuussutai atorlungit sanaartornermi atorlut pilersitsinissaq inerisaneqassasoq, tamanna aamma isumaqarpoq tunisassiorneq aallartinneqassanguni suliffissanik pilersitsisoqassasoq. Uani suliami kommuuni Jakob F. Knudsen Siku-blocki atorlugu misileraanissamut, pituttuutaanngittumik isumaqatingiinnissamik siunnersuuteqarput nunatta pissarititai atorlungit sanaartornermi atorlut inerisaanissaq aallartinneqassasoq. Sammisag oqaluuserineqassooq isummerfingineqarlunilu.

Suliap saqqummiunnera:

Avannaata Kommunianni sanaartorneq annertuumik ingerlanneqarpoq, tamatumalu kingunerivaa sanaartornermi atorluttanik annertuumik avataaniik eqqussuisarneq. Eqqarsaatingineqartanngilaq nunatsinni pisuussutingut atorlungit sanaartornermi atorluttanik pilersitsinissaq. Sanaartornermi atorluttanik nunatsinni pilersitsisoqassanguni inuiaqatingiinni assingiinnngittutingut annertuumik iluaqutaassooq, assersuutingalungu atorluttat pilersinnissat ingerlanneqalerpat suliffissanik pilersitsisoqassooq aamma avataaniit atorluttanik tikerartitsineq isumalluuteqarnerlu annikillisinneqarluni.

Iluarsiiinissamut siunnersuut – sammisanut tunngatillugu nalilersuineq

Ukiut 25-it matuma siornatingut nunatsinni qammasissianik sanaartornermi atorluttanik qammaasoq Jakob F. Knudsen nunatta pissarititaanik misissuereerluni pilersitsivoq, taakkua qammasissiat atserpai Siku-block. Illuliorderit qammasissiat nunatta pissarititai atorlungit ingerlanneqalerput, kisianni ajorluartumik piffissap ingerlanerani qammasissianik sanaartorneq unippoq. Jaakup ilisimatitsinera naapertorlungu qammasissianik sanaartorneq akitigut qisunnik sanaartornermut sanilliullungu akilersinnaalluarnuvoq.

Taamatuttaaq Jaaku ilisimatitsivoq qammasissianik aqqusinernut atorsinnaasunik suliarsinnaalluni. Nunaqarfippassuit aqquserngi piffissami aggersumi suliarineqartussaapput, uanilu nunatta qammasissianik atuilluni ineriartortitsinissaq ingerlanneqarsinnaalluarpoq.

Borgmesterip, partiit borgmesteriutitaqartut inassutingaat suleqatingiinneq Siku-block, Jakob F. Knudsen suleqatingalungu aallartinneqassasoq. Suleqatingiinnermi siunertaavoq illuliorderit imaluunniit nunaqarfinni aqquserngit suliarineqarnissat nunatta pissarititai atorlungit ingerlanneqassasut.

Siunertaavoq aamma nunatta pissarititai atorlungit sanaartornermi atorluttanik tunisassiornerup aallartinissata aqutissuunneqarnissaa.

Nunarput sanaartornermi tassaniilu suliarinittussarsiuksinnermi inatsiseqarpoq, taamaattumik suliassat namminersortumut ataatsimut tunniutiinnarneqarsinnaasannngilat. Una isumaqatingiissut pituttuinnermik kinguneqartussaannngilaq, paaseqatingiinneruvoq nunatta pissarititai atorlungit sanaartornermi atorluttanik inerisaanissaq aallartinneqassasoq. Siku-block atorlugu Jaaku, sanaartornermi peqataassanguni inatsisit ilaallu sanaartornerup iluani malittarisassat naapertorlungit ingerlatsisooq, kisianni misilittaanerit ingerlanneqarnissat immikkut qitiusumut qinnutingineqassapput akuerineqaqullungit.

Ingerlariaqqinnissaq

Borgmesterip pituttuutaanngittumik Jaaku Siku-block atorlugu isumaqatigiissusiornikkut suleqatingilissangaa, ilanngussaq takusiuk, uani siunertaavoq. Isumaqatingiissut siunertarivippaa nunatta pissarititai atorlungit sanaartornermi atorluttanik inerisaanissaq, tassuunakkut tunisassiornermi suliffissanik pilersitsisoqassammat.

Namminersorlutik Oqartussat attavingineqassapput kommuuni immikkut akuerineqarsinnaanersoq misiliinermi Siku-block atorlungu illunik sanaartornerit aqquserngiornerillu ingerlanneqarsinnaanerat aqqussiinneqarnissaa pillungu.

Aningaasaqarnermi kingunerisinnaasat:

Toqqaannartumik massakkut aningaasanik kinguneqassanngilaq. Illuliortoqassappat imaluunnit aqquserngit nunaqarfimmi suliarineqassappata siunertamut immikkut aningaasaliisoqqaassooq. Tamannalu ukioq manna aningaasatigut pisinnaanngikkallarpoq, siunertani pioreersuni allanngortitsisoqanngippat.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginninneq:

Teknikkimut Ataatsimiititaliaq
Aningaasaqarnermut Ataatsimiititaliaq
Kommunalbestyrelsi

Teknikkimi Ataatsimiititaliami aaliangerneq:

*Allattoqarfiup Teknikkimut Ataatsimiititaliamut inassutingaa
Kommunip pituttuutaanngittumik Jakob F. Knudsen Siku-block atorlugu suleqatingilissangaa nunatta
pissarititai atorlungit sanaartornermut atortussanik inerisaanissanissamik siunertalimmik
isumaqatingiissusiortoqassasoq ataatsimiititaliap akuerissangaa*

Aaliangiineq:
Akuerineqarpoq.

Aningaasaqarnermut Ataatsimiititaliami aaliangerneq:

*Teknikkimi Ataatsimiititaliap Aningaasaqarnermi Ataatsimiititaliamut inassutigaa
Teknikkimi Ataatsimiititaliap aaliangernera ilalerneqassasoq*

Aaliangerneq:
Inassuteqaat akuerineqarpoq. Kissaatigineqarpoq Kommunit allat suleqatigilernissai, siunertaq iluatsittumik ingerlanneqarnissaa anguniarlugu.

Inassuteqaat:

Aningaasaqarnermi Ataatsimiititaliap kommunalbestyrelsimut inassutingaa

Aningaasaqarnermi Ataatsimiititaliami aaliangerneq ilalerneqassasoq

Ilanngussaq:

Bilag 001-01: Pituttuutaanngittumik isumaqatingiissutissatut siunnersuut, kommunip Jakob F. Knudsen akornanni

Aaliangiineq:

Inassutigineqartoq akuerineqarpoq.

Sag nr.	Sammissaq	Bilag nr.	002
KOM 064	Mittarfissualiortut campimi sanaartortut inissiaanut pisinissamut siunnersuut	Journal nr.	

Uteqqiineq:

Ilisimaneqartutuut Ilulissani mittarfissualiortoqarpoq aappaangumut naatsorsuutaalluni naammassisussamik. sanaartortullu sulisui campimi inissiani najungaqarput. Mittarfissuaq naammassippat campimi inissiat qimanneqartussaapput. Borgmesterip inassutingaa kommuunip campimi inissiat pisiarissangai. Siunertaavoq Ilulissani ilinniarnertuunngorniarfimmik pilersitsisoqarpat kommuunitsinni ilinniartut najungaqarfingissangaat. Uani suliami isummerfingineqassooq campimi inissiat pisiarineqassanersut.

Suliap saqqummiunnera:

Avannaata Kommniani ilinniartoqarfiit killegarput, tamatuma kingunerisaanik innuttaasut politikikkikullu suliaqartut ukiorpanngortuni kissaateqarsimapput, Ilulissani ilinniarnertuunngorniarfimmik pilersitsisoqassasoq. Avannaata Kommuniani kommunalbestyrelsip pingaartippaa inuusuttut inuusuttuaqqallu kommuuni qimangikkaluarlungu ilinniarfissaanik periarfissaqartinneqassaat.

Iluarsiiinissamut siunnersuut – sammisanut tunngatillugu nalilersuineq

Borgmesteri Nuummut Aningaasaqarnermut siunnersuisooqatingiit ataatsimiinneranut peqataanermini iluatsillungu Ilinniartitaanermit Naalakkersuisoq naapisimaatsiarpaa, tassani oqaloqatingiinnermi paaseqatingiittoqarpoq Ilulissani ilinniarnertuunngorniarfimmik pilersitsinissaq suleqatingiissutingineqassasoq. Tamatumalu kingorna ataatsimiinnerit Naalakkersuisoqarfik kommuunillu akornanni ingerlanneqartarsimapput. Ilinniarfiup illutassaa siunertaavoq ullumikkut Majoriap illutaa atulerumaaraa. Ilinniartut aallaqqaammut siunertaavoq Ilulissaneersuinnaat ilinnialernissaat aqutissiunneqassasoq, kisianni borgmesteri aamma suleqatai isumaqarput inuusuit kommunitsinneersut aamma ilinniarnissaminut periarfissinneqassasut, kisianni taakkua massakkut kollegiassaqaangillat.

Ilulissani mittarfissualiorneq ilutingalungu sanaartortut sulisui campimi ineqartinneqarput. Mittarfissuaq naatsorsuutingineqarpoq aappaangu naammassineqassasoq, taamaattumillu sanaartortut campimi illuutingisatik qimattussaavaat.

Borgmesterip mittarfissualiortut pisortaat ataavartumik paasissutisseeqatingiinnermik imaqtumik ataatsimeeqatingisarpaa. Ataatsimeeqatingiinnermi taaneqarpoq sanaartortut sulisuisa najungaat mittarfissuaq naammassippat atorneeruttussaasut. Borgmesterip soqutingilluinnarsimavaa taakkua kollegiatut atorneqarsinnaanerit tassuunakkut inuusuit kommuunitsinneersut tamarmik ilinniarnertuunngorniarfimmil ilinnialersinnaanerit aqutissiunneqassammat.

Taamaattumik borgmesteri suleqatinilu kommunalbestyrelsimut inassuteqarput immikkut ukioq 2026-mut aningaasaliinnermi mittarfissualiornermi campimi inissiat pisiarineqassasut, takkualu ilinniarnertuunngorniarfimmil kollegiatut atorneqassasut, ersarissarlungu inuusuit kommuunitsinneersut najungassaatur atorneqassammata.

Sanaartortut sulisuisa ineqarfii immikkoortut arlaqarput, taakkua ilaat allaffittut atorneqarsinnaapput. Eqqaamassavarpummi kommuuni allaffinnik atorneqarsinaasunik amingaateqarmat. Illutaasa ilaat aamma angerlarsimaffeqanngittunut atorneqarsinnaapput. Ullumikkut Ilulissani inissiaq angerlarsimaffeqanngittunut atorneqartartoq mikivallaalernikuuvoq.

Munck-p sulisuminut inissiaataai containerinik sanaajupput, katitigaanerallu containerit katillugit 102-pput. Taakkunani ineeqqat 88-pput ineeqqallu dobbelt-t marluullutik. Saniatigut perususersartarfiit, uffartarfiit, nerisarsiorfik (køkken) nerisarfiit, allaffiit, errorsisarfiit fitness-tarfiillu piupput. Uani titartagartai aamma ilanngussaniipput. Pisiarinerani akilerneqarnissaai ukioq 2026-p aallartinnerani aamma ammaffigineqarpoq.

Ingerlariaqqinnissaq

Pisinissaq akuerineqarpat inissiat sumi inissinneqarnissaat sulissutingineqarluni aallartissooq, tassani nunangissaanermut toqqaviliornernullu aningaasartuutit atorneqartussat soorunami aamma missingersorneqassapput. Illut nuunnerat aamma toqqavissaa – toqqavissaatalu nunangissarnissaa naleqarpoq. Taakkutsitaa immikkut kommunalbestyrelsimut kingusinnerusukkut nalunaarutingineqarumaarpoq missingersuutitut ilanngunneqartussamik. Munck-ip pingaartippaa campimi inissiat pisiarineqassappata piaartumik nalunaartoqarnissaa, allanik soqutiginnittoqarnera pequtigalugu.

Kingunerisinnaasat:

Campimi inissiat nalinginnaasumik sanaartornermi inatsisit najungaarnissamut piumasaqaataasunut naammassiinnigillat, taakkutsitaalu misissorneqanngilaq nalunaarsorneqaranilu sulii. Qularnanngittumik inatsimmut tulluussaannerit ingerlanneqassapput, uanilu aningaasatingut kingunerisinnaasai eqqumaffingineqassapput.

Aningaasaqarnermi kingunerisinnaasat:

Qulaani taaneqartut Munck-p sulisuminut inissiaatai allaffiit aammalu suksisartarfii tamaasa neqeroorutiginneqarput ataatsimut pisiarinerani akeqassasut tkr. 10.027 mio.-nit, taassumalu saniatigut aningaasartuutissaq stempelafgiftimut tkr. 0.150 mio. **Pisiarineqarnissaat akuerineqarpat ukioq manna stempelafgift akilerneqassaaq, pisiarineranullu akigititaq ukioq 2026-mi akilerneqarluni.**

Inatsisitigut tunngavigisat aamma toqqammavissiisutut allagaatit:

- Kommunit aquneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginninneq:

Teknikkimut Ataatsimiititaliaq
Aningaasaqarnermut Ataatsimiititaliaq
Kommunalbestyrelsi

Teknikkimi Ataatsimiititaliami aaliangerneq:

*Allattoqarfiup Teknikkimut Ataatsimiititaliamut inassutingaa
Mittarfissualiortut campimi sanasunut iningititaat neqeroorut naapertorlungu tkr. 10.027 mio.-niniq
naleqartut pisiarinissaa aammalu pigilerneranut aningaasartuutaasussaq tkr. 0.150 mio.-nit
ataatsimiititaliap akuerissangaa*

Aamma

*Immikkut aningaasaliinerit missingersuusiornissami tkr. 10.027 mio.-nit ukioq 2026-imut
illikartinneqassasut ataatsimiititaliap akuerissangaa*

Aaliangiineq:

Inassuteqaat akuerineqarpoq.

*Suleqatigiit borgmesteriutitaqartut inassuteqaat taamannak isikkoqartillugu akuerivaat. Suleqatigiit
illuatungiliuttut isumaqataapput, kisiannili aningaasartuutissatut malinnaasussat misissuiffingineqarnissai
kissaatingivaa. Tassa sanaartorfigissaanermut tunngasut, inissiat kollegietut atorneqarsinnaanersut,
siunnersuisartuniillu illut nalilersorneqaaqqaarnissaat.*

Aningaasaqarnermut Ataatsimiititaliami aaliangerneq:

*Teknikkimi Ataatsimiititaliap Aningaasaqarnermi Ataatsimiititaliamut inassutigaa
Teknikkimi Ataatsimiititaliap aaliangernera ilalerneqassasooq*

Aaliangerneq:

Inassutigineqartoq akuerineqarpoq. Illuatungiliuttut kissaatigivaat tilstandsrapportimik piumasoqassasoq.

Inassuteqaat:

Aningaasaqarnermi Ataatsimiititaliap kommunalbestyrelsimut inassutingaa

Aningaasaqarnermi Ataatsimiititaliami aaliangerneq ilalernerqassasoq

Ilanngussat:

Bilag 002-01: Munckip campimi inissianut pisinissamut neqeroorutaa
Bilag 002-02: Titartakkat

Aaliangiineq:

Inassutigineqartoq akuerineqarpoq.

Sag nr.	Sammissaq	Bilag nr.	003
KOM 065	Najukkami Ataatsimiititaliat pilersinnissaanut aaliangernermut naqqiut	Journal nr.	

Uteqqiineq:

Najukkami Ataatsimiititaliaq aaliangersimasunik ilaasortaqarpoq tamannalu periuseq kommuuni pilersinneqarmalli ileqqutut ingerlanneqarsimavoq, kisianni paasinarsivoq inatsit assingiinnngittunik paasineqartarsimasooq. Inatsisilerituut naliliinerat uaniippoq, Najukkami Ataatsimiititaliami ilaasortat tamarmik qinersinikkut taaneqassapput. Uani suliami kommunalbestyrelsip junimi ataatsimiikkami aaliangernera tulluussarlungu naqqiiffingineqassooq.

Suliap saqqummiunnera:

Kommunalbestyrelsi ataatsimiikkami ulloq 25. juni sammissaq punkt 035 'Najukkani ataatsimiititaliat pilersinneqarnissaat' oqaluuseringamiuk aaliangerpoq kommunalbestyrelsimi ilaasortat aaliangersimasut Najukkami Ataatsimiititaliami peqataasinnaasut. Tassunga atatillungu illuatungiliuttut piumasaqarput aaliangerneq inatsisitingut naapertuunnersooq misissuiffingineqassasoq.

Iluarsiiinissamut siunnersuut – sammisanut tunngatillugu nalilersuineq

Sammissaq kommunip inatsisilerituuanut saqqummiunneqarpoq nalilersuiffingeqqullungu. Tamatumalu kingorna Nunamut Nammineq Naalakkersuisoqarfik inatsisilerituup naliliinera naapertuuttut inissisimanersooq isummerfingequneqarpoq.

Inatsisilerituup naliliinera uaniippoq. Najukkami Ataatsimiititaliami ilaasortat tamarmik qinersinikkut toqqarneqassapput, uanilu kommunalbestyrelsi aaliangersinnaasooq assersuutingalungu kommunalbestyrelsimi ilaasortat innuttaasut peqatingalungit sassarsinnaasut. Punkt 035 isingineqassooq kommunalbestyrelsimi ilaasortat Najukkami Ataatsimiititaliami peqataasinnaaneranut akuersinertut, toqqartumik uteqqillungu kommunalbestyrelsimi ilaasortat aaliangersimasut Najukkami Ataatsimiititaliami ersarissaataassooq ilaasortaasinnaannngittut.

Taamaattumik ulloq Najukkami Ataatsimiititaliami ilaasortanut qinersisoqalerpat kommunalbestyrelsimi ilaasortat sassarsinnaapput qiningassannngortillutik qinerneqarunillu ilaasortannngorlutik, qinerneqartut kisimik ilaasortaasinnaapput.

Aningaasaqarnermi kingunerisinnaasat:

Soqanngilaq.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersooq

Suliamik isumaginninneq:

Tamat Oqartussaaqataanerannut Inoqarfiillu mikinerusut Ineriartortinneqarnissaanut Ataatsimiititaliaq Aningaasaqarnermut Ataatsimiititaliaq Kommunalbestyrelse

Tamat Oqartussaaqataanerannut Inoqarfiillu il. il. Ataatsimiititaliap aaliangernera:

*Allattoqarfiup Tamat Oqartussaaqataanerannut Inoqarfiillu mikinerusut Ineriartortinneqarnissaanut
Ataatsimiititaliamut inassutingaa
Naqqiut ataatsimiititaliap tusaatissatut tingussangaa*

Aaliangerneq:
Inassuteqaat akuerineqarpoq.

Aningaasaqarnermut Ataatsimiititaliami aaliangerneq:

*Tamat Oqartussaaqataanerannut Inoqarfiillu mikinerusut Ineriartortinneqarnissaanut Ataatsimiititaliap
Aningaasaqarnermi Ataatsimiititaliamut inassutigaa
Tamat Oqartussaaqataanerannut Inoqarfiillu mikinerusut Ineriartortinneqarnissaanut Ataatsimiititaliap
aaliangernera ilalerneqassasoq*

Aaliangerneq:
Inassutigineqartoq akuerineqarpoq.

Inassuteqaat:

Aningaasaqarnermi Ataatsimiititaliap kommunalbestyrelsimut inassutingaa

Aningaasaqarnermi Ataatsimiititaliami aaliangerneq ilalerneqassasoq

Ilanngussat:

Bilag 003-01: Inatsisilerituup naliliinera
Bilag 003-02: Nunamut Namminermut Naalakkersuisoqarfimmiit allakkat

Aaliangiineq:

**Inassutigineqartoq akuerineqarpoq. Suleqatigiit Borgmesteriutitaqartut piumasaraat § 32 stk. 2
aallaavigalugu misissoqqinneqarnissaa.**

Sag nr.	Sammissaq	Bilag nr.	004
KOM 066	Sanaartornermut missingersuutini ukioq 2025-mi aaqqissusseqqinneq	Journal nr.	

Uteqqiineq:

Kommunalbestyrelsi sapaatip akunneq 32-mi naapilluni sanaartornermut missingersuutini ukioq 2025-moortuni aaqqissusseqqilluni naapippoq. Ulloq 8. august isumasioqatigereermermi inassuteqarpoq, piumasarlugulu allannguutissat sanaartornermi suleqatigiisitanut tusarniutigineqassat. Uani tusarniutigineqareerlutik saqqummiunneqarput.

Suliap saqqummiunnera:

Kommunalbestyrelsip anguniangarivaa sanaartorneq ukioq naallugu susassaqqarfiussasooq. Tamanna toqqammavilersorneqarsinnaavoq sanaartungassanik ukiup tullianut inissiisarnermi. Sanaartornermi aningaasaliissutit aaqqissoqqinnissai periarfissanngoqqavoq. Sanaartungassanik suliakkersuereermermi neqeroornerit malillugit sanaartornermut missingersuutaasimasut aningaasartuutaasussaasunik nalimassarneqarsinnaammata.

Sanaartugassatut akuerineqarnikut saniatigut, inoqarfikkuutaartumik pisariaqartitat allannorsinnaasarput. Pisariaqartinneqalersimasullu aningaasaliissutini aqqeqqinnermi ilaleneqarsinnaallutik.

Iluarsiiissutissat siunnersuut – suliamik nalilersuineq

Nalilersuineq teknikkimut ingerlatsivimmiit ingerlanneqarnikuvoq. Ukiumi 2025-mi atunngittuulikkatut nalilikkat ataani ersersinneqarput.

Atunngittuulikkatut nalilikkat kommunalbestyrelsep aaqqissoqqinnissaanut samminikuuaat aaqqiissutissanillu siunnersuuteqarfingalugit, tamatumalu kingorna sanaartornermut suleqatigiisitat allannguutissatut siunnersuutaasuni tusarniaavigineqarlutik. Ataani ataatsimoorussamik allaaserineqarput.

Projekti	Aningaasaliissutit	2025-mi atunngittuulikkat	Suleqatigiisitaliat aaliangerneri
Nipilersornermut ilinniarfik, Ilulissat	600.000	600.000	Aningaasat tassaniiginnassapput
Multihaali, Ilulissat	1.000.000	100.000	Ilulissani nunaqarfinnilu puttasuliinerit aamma
Umiarsualivinnut projekti, Ilulissat	1.800.000	1.000.000	Mikisooq-p heldagsskole-ngortinnissaanut iluarsartuunneranut aningaasartuutissat misissoqqaarneqassat suleqatigiisitaliap kissaatigivaa.
Talittarfik, Uummannaq	300.000	300.000	Aningaasat tassaniiginnassapput
Ilinniartitsisut inissat, Innaarsuit	1.400.000	1.400.000	Upernavimmi umiatsialiveqarnikkut pittanngorsaaneq, eqqangassanullu talittarfissamut suliarnut aallarniutinik aningaasaliissutit.
Avatangiisilerineri fundini projekti	1.500.000	500.000	250.000 Qaanaami anartarfiit puusa imaasa nunamut assaalluni misiliinikkut kueraaneq. 250.000 Upernavimmi Uummannaamilu ningittangaarsiutinik qalluineq.

Ingerlariaqqinnissaq

Kommunalbestyrelsip allannguutissatut siunnersuutai Suleqatigiisitaliat piffikkaartumik isummerfigissavaat taassuma kingorna Teknikkimut Ataatsimiititaliap naqissuseriarlugit Aningaasaqarnermut Ataatsimiititaliamut taassumallu kingorna Kommunalbestyrelsimut akuerisassanngorlugit ingerlateqqissavai.

Aningaasatigut kinguneqaatissat:

Sanaartornermi aningaasaliissutit aaqqissoqqinneqarneri nuussinermik kinguneqassaaq. Kommunip karsianut sunniuteqassanngilaq.

Inatsisitigut toqqammavigisat:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Missingersuutilerisarnermut aammalu naatsorsuuserisarnermut inatsit nr. 13, 1. december 2021

Suliamik isumaginninneq:

Sanaartornermut atatillugu Avannaata Kommuniani suleqatigiisitaliat
Teknikkimut Ataatsimiititaliaq
Aningaasaqarnermut Ataatsimiititaliaq
Kommunalbestyrelsi

Teknikkimi Ataatsimiititaliami aaliangerneq:

*Allattoqarfiup Teknikkimut Ataatsimiititaliamut inassutigaa:
Suleqatigiisitaliat siunnersuutitut akissutaat aaliangiiffingeqqullugit*

Aaliangiineq:

Ataatsimiititaliap piffikkaartumik Sanaartornermut aningaasaliissutitut Ataatsimiititaliat innersuussutaat taamannak isikkoqartillugit akuerivaat.

Aningaasaqarnermut Ataatsimiititaliami aaliangerneq:

*Teknikkimi Ataatsimiititaliap Aningaasaqarnermi Ataatsimiititaliamut inassutigaa
Teknikkimi Ataatsimiititaliap aaliangernera ilalerneqassasoq*

Aaliangerneq:

Amerlanerussuteqartut akuerivaat.

Inassuteqaat:

Aningaasaqarnermi Ataatsimiititaliap kommunalbestyrelsimut inassutingaa

Aningaasaqarnermi Ataatsimiititaliami aaliangerneq ilalerneqassasoq

Ilanngussat:

Bilag 004-01: Qaanaami nunaqarfiinilu sanaartungassanut atatillugu suleqatigiisitaliap inassuteqaataat
Bilag 004-02: Upernavimmi nunaqarfiinilu sanaartungassanut atatillugu suleqatigiisitaliap inassuteqaataat
Bilag 004-03: Uummannami nunaqarfiinilu sanaartungassanut atatillugu suleqatigiisitaliap inassuteqaataat
Bilag 004-04: Ilulissani nunaqarfiinilu sanaartungassanut atatillugu suleqatigiisitaliap inassuteqaataat

Aaliangiineq:

Inassutigineqartog akuerineqarpoq.

Sag nr.	Sammasaq	Bilag nr.	005
KOM 067	Upernavik Kujallermit immikkut ittumik qinnuteqaat	Journal nr.	

Uteqqiineq:

Upernavik Kujallermit annertuumik pinaversaartitsinikkut ikiorserneqarnissamik pisariaqartitsippat. Piffissap sivikittup iluani imminut toqunnikkut annertuumik annaasaqarsimappat. Nunaqqataasut ilaat annertuumik pilliuteqalersimasooq qiimmassaaqqikkusulluni Avannaata Kommuniannut ikiorsiisoqarnissaanik qinnuteqarluni saaffiginnippoq.

Uani suliami aaliagiiffiqneqassooq qinnuteqaat akuerineqassanersoq.

Suliap saqqummiunnera:

Borgmesteri paaseqatingalungu suliap Allattoqarfimmiit ingerlanneqarpoq. Piffissami kingullermi Upernavik Kujallermit imminut toqunneq aqqutingalungu annaasat amerlappat. Inoqarfimmi innuttaasut aliasupput, peqatigiiffilerineq uninngavoq, innuttaasullu aallartisaanissaminut tapersorneqarnissaminik pisariaqartitsippat, pingaartumik taartaleriartornerani innuttaasut nukittorsarneqarnissaat anguniarlugu.

Iluarsiiinissamut siunnersuut – sammisanut tunngatillugu nalilersuineq

Ukioq 2024 naalerneraniit maannamut Upernavik Kujallermit inuusuttut sisamat annaaneqarput, imminut toqullutik qimagussimasunik.

Nunaqqatigiit annertuumik aliasunnermik eqqungaqqappat, qiimmassarneqarnissamik tapersorneqarnissamillu annertuumik pisariaqartitsippat.

Upernavimmi ukiormanna ulloq 14. august arsaqattaartoqassooq, tassani Upernaviup eqqaamiui peqataarrattarput. Ukioq mannali Upernavik Kujallermit katersuiniartaraluarlutik iluatsittarsimanngilaat, taamaalillutik peqataasinnaannikkallarlutik.

Nunaqqataasulli ilaat taarsisalerpallaannginnerani qiimmassaaniarluni nunaqqatini pisinnaasut arsaqattaarnermut peqataatikkusullugit suliniarpoq. Nammineerluni aningaasaatiminik pilliuteqarluni. Tapersorneqarnissaminilli pisariaqartitsilluni.

Arsariarnermi aningaasartuutaassappat: Najungaqqarneq, nerisaqqarneq, kiisalu angallassinermi orsussaq.

Tapiisarnermut ileqqoreqqusaaq tunngavigalugu nalinnaasumik qinnuteqassangunik cvr.

Normoqartussaappat, maannali peqatigiiffeqqarneq unittoqqammat cvr. normoqqanngillat.

Periarfissaavorli § 10. Immikkut ittumik qinnuteqqarneq tunngavigalugu tapiisinnaanissaq.

Avannaata Kommunianni periusussatut pilersaarummi suliniutinut ilaavoq kajumissutsimik suliqaartunik tapersuinissaaq, pinaversaartitsinermik suliqaarnerup annertusarnissaa siunertarlugu. Timersoqatigiit Kattuffiata 2030-mut aamma nunarsuarmi aalanerpaanngornissamut anguniangaanut suliniut naapertuuppoq.

Ingerlariaqqinnissaaq

Upernavik Kujallermit immikkut ittumik qinnuteqaat akuerineqassappat, aningaasat qinnutigineqartut tunniunneqassappat. Arsaqattaartunullu peqataajartorsinnaanngussallutik.

Aningaasaqqarnermi kingunerisinnaasat:

Arsaqattaarnerup ulluni 7-ni ingerlanneqassooq.

Inuit 23 peqataassappat.

Aningaasat qinnutigineqartut katillugit kr. 20.000

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Kulturikkut ingerlatsineq sunngiffimilu sammisaqartitsineq pillugit Inatsisartut inatsisaat nr. 5, 6. juni 2016-meersoq
- Timersorneq timigissarnerlu pillugit Inatsisartut inatsisaat nr. 15, 6. juni 2016-meersoq

Suliamik isumaginninneq:

Piorsarsimassutsimut Atuartitaanermut Meeqqeriveqarnermut Ataatsimiititaliaq
Aningaasaqarnermut Ataatsimiititaliaq
Kommunalbestyrelsi

Piorsarsimassutsimut Atuartitaanermut Meeqqeriveqarnermut Ataatsimiititaliami aaliangerneq:

Allattoqarfiup Piorsarsimassutsimut Atuartitaanermut Meeqqeriveqarnermut Ataatsimiititaliamut inassutingaa
Upernavik Kujallermiit immikkut qinnuteqaat katillugit kr. 20.000,- qinnutigineqartut ataatsimiititaliap akuerissangai

Aaliangiineq:

Inassuteqaat akuerineqarpoq. Nunaqarfimmi peqatigiiffeqarnikkut nukittorsaasoqarnissaa sulissutigineqassasoq ataatsimiititaliap kissaatigivaa.

Aningaasaqarnermut Ataatsimiititaliami aaliangerneq:

Piorsarsimassutsimut Atuartitaanermut Meeqqeriveqarnermut Ataatsimiititaliap Aningaasaqarnermi Ataatsimiititaliamut inassutingaa
Piorsarsimassutsimut Atuartitaanermut Meeqqeriveqarnermut Ataatsimiititaliap aaliangernera ilalerneqassasoq

Aaliangerneq:

Inassutigineqartoq akuerineqarpoq.

Inassuteqaat:

Aningaasaqarnermi Ataatsimiititaliap kommunalbestyrelsimut inassutingaa

Aningaasaqarnermi Ataatsimiititaliami aaliangerneq ilalerneqassasoq

Ilanngussaq:

Bilag 005-01: Aningaasanik ikiorserneqarnissamik qinnuteqaat

Aaliangiineq:

Inassutigineqartoq akuerineqarpoq.

Ilisimatitsissut:**Kangerluarsummi talittarfiliornissaq**

Alaska-miit umiarsuarsuit takornariartaatinut sullissinermi immikkut ilisimasallit kiisalu PtCapital, aningaasaateqarfimmiit kommuni pulaartoqaqqamerpoq, taakkoqqissaat kommuni aappassaa pulaarpaat. Taamatut pulaarnerminni umiarsuit takornariartaatit tassuunakkullu takornarianik sullissinerup Ilulissani, avannaani, nunatsinnilumi ineriartortinneqarnissaasut kommuni, Nalik suleqatingalungit suliat inerisarlungit aallarteruttorpaat. Massakkumuungallartoq sulineq aallartisarami oqaatingiuminaappoq qanoq innerneqarumaartoq, kisianni pingaartinneqarpoq innuttaasut, kommuni qanimut peqatingalungit suliaq ingerlanneqassasoq.

Aaliangiineq:

Tusaatissatut akuerineqarpoq.

Ataatsimiinneq naammassivoq nal.: 10:16

Atsiorfissaq:

Mørch, Samuelson (A) _____

Kleemann, Knud (A) _____

Bro, Niels Erik (D) _____

Davidson, Lena Ravn (D) _____

Møller, Heidi (D) _____

Sandgreen, Karl Frederik (D) _____

Thomassen, Mikivsuk (IA) _____

Eskildsen, Arnaq N. (N) _____

Møller, Ole (N) _____

Napâtôk', Jens (N) _____

Gabrielsen, Lars Erik (S) _____

Kristiansen, Knud (S) _____

Mathiassen, Paarnannguaq (S) _____

Petersen, Jakob (S) _____

Nielsen, Edvard (S) _____

Olsen, Ujuut (S) _____

Fleischer, Sakio (S) _____